

Jus.  
26

34. Vol. 5. fol. 6. 17. Thes. Inaugurales 46.

THESES INAVGRALES,  
*de*

# CRIMINE MAGIAE

quas  
RECTORE MAGNIFICENTISSIMO,  
*SERENISSIMO PRINCIPE AC DOMINO,*  
**DN. FRIDERICO WILHELMO,**  
SCEPTRI BORVSSICI ET BRANDENBUR-  
GICI HEREDE &c. &c.

IN ACADEMIA REGIA FRIDERICIANA,  
*Ex decreto Illustris Facultatis Iuridice*  
PRAESIDE

**D. CHRISTIANO THOMASIO, ICto,**  
REG. MAI. BORVSS. CONSIL. PROF. PVBL. & h.t. DECANO,

## PRO LICENTIA

Summos in utroque iure honores & DOCTORALIA  
Priuilegia legitime consequendi,  
IN AUDITORIO MAIORI,  
*Horis Ante- & Pomeridianis*


*Solemni Eruditorum disquisitioni submittit*

**M. IOHANNES Reiche/ Ampliss. Ordinis  
Philosophici Adiunctus**

*ad D. 12. Novembr. c12 oc cl.*

---

HALAE MAGDEBURGICAE,  
Litteris CHRISTOPH. Salfeldii, REGIMIN. REG. BORVSS. Typog.



## S U M M A R I A.

I. Nitroitne. §. I. Eniblia de magia & sagis referita sunt scripta Virorum celeberrimorum tam Catholicorum, quam Protestantium. §. II. Autores, qui defenderant non dari magia crimen, imprimis Joannes Wierus, Antonius van Dale, & Balthasar Beckerus. §. III. Commendatur Autor Cautionis criminalis de processibus contra sagas. §. IV. Qui tamen cum se Catholicum esse singit, multa relinquit industria alterum. §. V. Concedimus dari diabolum cumque operari in improbus; negamus tamen dari crimen magia. §. VI. Differentia inter hypothesis nostram, Beckeri, & vulgarem. Definitio diaboli. §. VII. Beckeri & nostra hypothesis vindicata à suspicio. ne Athecum. §. IX. Magia olim denotavit quacumque scientiam occultatam. §. IX. Non sermo est de magia naturali aut artificia. li, sed de demoniacâ. §. X. cuius definitio à plerisque inobveni. euter amissa. §. XI. proponitur. §. XII. Affirmant dari crimen magia incumbere probationem, non nobis. §. XIII. Argumenta Carpzovii pro existentia magiae cum responsionibus nostris. Ad pri. murn: Jure divino debere magos interfici. Respondetur, magos ibi non puniri propter pactum cum diabolo, sed propter idololatriam, §. XIV. Satiske Carpzovio excipiunt legem divinam non loqui so. lum de veneficio. §. XV. Nova objectio de magis Phamonis, quod illi pacta cum Diabolo habuerint, resolutur. §. XVI. De sagâ Sa.

nucluem evocante, item de Manasse. §. XVII. Pythonissa in Endor decepit Saulem, qui neque Samuelem, neque ejus umbram, sed nihil vidit. §. XIX. Ad secundum argumentum Carpzovii provocantis ad legem natura respondetur, cum hoc afferum non probasse. §. XIX. Ad tertium à Jure Civili desumptum responderetur, à Beneficio ad sagas N. V. C. §. XX. Au quartum, à testimonio scriptorum Pontificiorum, respondetur, esse placidum impertinens §. XXI. ubi simul ostenditur impertinentia doctrinae de pacto tacito sagarum cum Diabolo. §. XXII. Male inferri à pena homicidiarum & adulterorum ad panem sagarum. §. XXIII. Ad quinimum: expedire sagis ipsi, ut quam citissime morte puniantur, respondetur, offensione multiplici inconvenientie. §. XXIV. Respondetur ad conclusionem Carpzovii §. XXV. Contra Spizelium ostenditur: nostram sententiam non solum via Atheismo; §. XXVI. cum male inferre à magia de quibus loquitur Scriptum, ad magos de quibus questione est; §. XXVII. cum frustis provocare ad autoritatem patrum Ecclesie. §. XXVIII. & magis frustis ad autoritates aliorum & experientiam quotidianam §. XXIX. Transitus ad probationem negative, quod crimen Magia non detur. §. XXX. I. quia Diabolus non potest corpus assumere. Satanas Christum tentans non fuit Diabolus corporeus. Praejudicia ex imaginibus Carethesia erat. §. XXXI. II. quia Christus dixit, Spiritum non habere carnem & ossa. §. XXXII. III. quia non potest diabolus turbare parentiam natura invisibilis. §. XXXIII. IV. quia ex mente dissentientium diabolus tam impotens est spiritus, ut crepitum ventris possit ejici. §. XXXIV. V. Nullus effectus est & nullus usus fæderis Diabolici cum hominibus, neque ex parte hominum, §. XXXV. neque ex parte Diaboli. §. XXXVI. Exponitur origo fabula de crimen magie, & ostenditur, cur incepti debent à doctrinâ Grecorum. §. XXXVII. Horum sententia de demonibus itaque corporeis; & horum commerciis cum hominibus. §. XXXVIII. Similia doctrina apud Judæos Phariseorum. §. XXXIX. Mixtum doctrina Pharisæa & Platonica ac Stoica apud Parres priorum seculorum, §. XL. Cur restaurari Academis à Theologia Pontificiis quamvis Aristotelicam philosophiam profitentibus ista fabula Platonica at Stoica de-

demonum commerciis cum hominibus fuerint canonisatae. Faricatores afferuntur. §. XLI. Leges Civiles nihil de pacto Diaboli cum hominibus memorant. Lex 4. Cod. de Malis. & Malibim. ab iniustitia vindicata. §. XLII. Glossatores Itali Juris Civilis quibus de causis erroneous multas doctrinas de crimen Magia. Glossis infernerint. §. XLIII. Origo & progressus in Germania sententia de crimen magia & Magis etiam non nocentibus igne puniendas, tam antea reformationem, §. XLIV. quam post eam apud JClos utriusq; religionis Protestantium. §. XLV. Frequentia processuum contrâ sagas in terris Lutheranis. Zelus Spizelii. Impertinentia & evenitus Processus Suecici. §. XLVI. Causa cur hæc frequenter bolla cesseret, & spes adhuc seniorum temporum §. XLVII. Nunquam in processu contra sagas adfuit corpus delicti, adeoque ortosum est querere de indicio hujus delicti. §. XLIX. Falsa indicatio Magia illegalia. §. XLIX. Absurdissimum, quod insignis cœptatio externa pietatis sit signum Magia §. L. Indicia Magie qua suppeditantur in Constitutione Criminali sunt etiam insufficiencia. §. LI. I. Oblatio ad docendam Magiam. §. LH. II. Mina de damno dando aleti per Magiam §. LIII. III. Conversatio cum Magio & sagis. §. LIV. IV. Si quis utatur rebus de Magia suspectis. §. LV. Cautio unica clara processum. Ne Princeps permittat processum, neus Judge inferior de Crimine Magia inquit. §. LVI.

## §. I.

**D**E Magia criminis dum mediat, an tale thema proficit, quod post tot tractus Scriptorum quæ Pontificiorum quæ Protestantium, tam ex Theologorum quam JCtorum classe denuo in cathedram revocetur; atque eum in finem variorum scripta de magia evolvo, non solum admiratus sum, quod vbique ferè multis nugas & fabulas, nullibi autem solidi aliquid, sed saltem hinc inde umbras quasdam veritatis deprehenderim, cum tamen & materiæ dignitas, & tot innocentium hominum periculum, & totius humani generis interesse, ut à stolidissimâ su-

perfitione liberetur, dudum postulaverit, ut eruditis non solum, sed & vulgo hominum oculi aperrirentur, atque errores plusquam Papistici, qui haec tenus mentes universorum fascinaverant, ex animis eorum expellerentur. Cogitanti autem rursus causas, (de quibus infra dicetur) ob quas istae falsae persuasions de crimine magia, & de fœdere magorum & lamarum cum diabolo, adhuc quotidiè inculcentur populo, & iis, qui larvam banc falsæ sapientia detrahere & veritati locum facere allaborant, tantum non ab omnibus, etiam piis alias ac placidis viris pro hominibus impius, & atheis, aut planè pro ipsis magis haberisoleant, simul perspexi, quod & mihi cautè propendum sit, imo iudicavi, quod vires meas istum propositum serè supereret, dignum hic aliquid proferendi vel aporobatione publica, vel etiam assensu paucorum veritatem sincerè querentium. Priors enim sperare non permittit autoritatis præjudicium, cui quam plurimi adhuc immersi sunt, posterius autem adeò expectare non possum, quia & imbecillitas ingenii, & errorum hic occurrentium copia, & temporis, quod elaborationi huic destinatum est, brevitas mihi potius persuadent, ut ab his veritatis studiosis veniam petam, si in re arduâ ac difficiili theses meæ ipsorum expectationi non sint responsurae, & simul sincerè declarem, me quibusunque diversa vel ex sarcis literis non contortè expositis, vel ex dictamine rationis reæ monstrantibus, statim resurrecturum esse.

S. II. De Scriptoribus equidem Pontificiis, Torreblanca, Bodino, Remigio, Del Rio, aliisque non mirum est, quod fabellis pudissimis orbem eruditum, quamvis forte bona fide, deceperint; postquam hodiè quibusvis constat, Papismum totum esse fabulam ex Gentilismo ac Judaismo confitam, infra verò dicenda sunt ostensura, quod prima origo doctrinæ de crimine Magia fraudi Gentilium, & stupiditati ac superstitioni Judaicæ originem debeant. De his igitur verè judicavit Naudæus in *Apologia Virorum de magia falso suspectorum cap. ult.* *La vérité c'est une chose étrange, quo Del Rio, le Loger, Bodin, de Lancie, Gödelmann, quis nō ètè, ou sonnt encore personnes de credit, & de mérite, ayant écrit si passionnément sur le sujet des Demons, sorcieres, & Magiciens, que de*

*n' avoir jamvis rebuutè acune histoirie, quoique fabuleuse & ridicule, de tout ce grand nombre de fausses & absurdes, qu'ils ont mis pesle mesme sans discretion parmy les vrayes & legitimes.* Sed utinam de Protestatibus scriptoribus non foret idem dicendum! Jam vero cum in Goedelmanno etiam hunc defectum notet Naudæus, qui tamen totus in eo est, ut ostendat, Lamias non inire paetum cum Diabolo, sed solum Magos, quid de aliis expectes scriptoribus, qui Goedelmannum cum Wiero damnant, quod Magiam defendere aut negare ausi fuerint. Sanè Carpzovius Criministarum Protestantium hodiè Monarcha (ut rem barbaram barbaris vocabulis efforam,) in *Praxi Crimin. part. 1. qu. 48.* id ex professo egit, ut rationes, quæ ex Wiero contra existentiam Magia afferri possent, responderet, & communem errorem defenderet, cum tamen fabula quas ex actis variis, *ibidem & in sententia 36. questioni, so. subjunctis* recenset, tam crassæ sint, ut vel legisse easdem pudeat.

S. III. Scilicet jam circa initium Seculi decimi sexti Jo. Franciscus de Ponzinibus Jctus existentiam foederis Diabolici in duobium vocavit, (*Vid. Part. 2. Mallei Maleficarum in fine*) Circa finem autem ejusdem Seculi Jo. Wierus Medicus de *præfigiis Damonum* tactatum satis prolixum edidit, in quo intendit ostendere, non dari Magia crimen, prout vulgo concipitur, & in appendice variis apologiis adversus varios censores hanc ipsam sententiam suam defendere satagit. Nam quem ulterius citat Carpzovius *d. qu. 48. n. 17.* Petrum de Apone, quando scriperit, nondum nobis constat, cum de eo autore nihil adhuc viderimus nisi forsitan Carpzov. Petr. de Abano intelligat, cuius *elementa magica* nota. Sed tamen, uti omnibus accidere solet, qui in inventione veritatis primam glaciem frangunt, viderunt multa dicti Autores, multa etiam præterviderunt, adeoque non adeò apti fuerunt, mundum per tot secula præjudicio erroris fascinatum erroris convincere. Petro Pomponati *librum de incantamentis & Reginaldi Scoti Angli tractatum similem* in Anglia autoritate publica combustum etiam non vidiimus, quorum ille plerasque traditiones de Magis occultæ naturæ efficacia, hic autem melancholia & morbis variis, aut arbitribus

tibus histriōnīs adscripsit. *Vid. Voet. Diff. Select. Part. 3. p. 564.* Nostris temporibus Gabriel Nauodus dum *apologiam* scripsit pro iis, qui vulgo *Magia sunt accusati*, multa quoque erudita suppeditavit argumenta oppugnandi sententiam communem. Ex ipsis scriptoribus Pontificiis modernis Malebranchius lib. 2. cap. ult. de *inquirenda veritate* in sententiam eorum, qui imaginationi historias magicas adscribunt, inclinat. Prae reliquis verē commendari meretur Anthonius van Dale, alias Medicus Belga, cujus eruditas dissertationes de *oraculis*, item de *origine ac progressu idolatria & superstitionum*, de *vera ac falsa prophetia*, & de *divinationib[us] idolatricis Iudaorum orbis* eruditus estimatur; ubi majori cum apparatu multos communes errores de diabolo ejusque esse ceteris revelavit, sed paucis, imprimis Thologis, doctrinam suam persuasit, excepto, quantum nobis constat, uno Theologo Belgā, Balthasare Bekero, qui plurima, quā in tractatu de *mundo fascinato* prodidit, videtur ex laudato Medico hauiisse. Sed quam infeliciter iste assensus Bekero cesserit, notum est, cum Diaboli vim omnem externam in homines, at propè ipsam substantiam ejus apertè negaret, (quod Dalius subobscurè in scriptis suis fecit.) quo pacto non poterat non adversariis suis multa suppeditare arma, quibus etiam per indirectum veritates simul ab eo propositas oppugnarebant, & ertores communes ut cunque defenserent.

§. IV. Cautius hāc in re processit JCtus *anonymus*, qui ante septennium *cautionem criminalem de processibus contra sagas edidit*, eumque Magistratibus Germaniae dicavit. Is enim nec Diabolum negat nec sagas. Sed statim dubio primo: *An saga seu malefici reverā existant*, respondet: *Quod sic.* Etsi enī scio, inquit, nonnullos in dubio posuisse, etiam Catholicos & dottos, quos vominare non attinet; et si etiam quidam non temere suspiciati sibi videantur, fuisse aliquando in Ecclesia et tempora, in quibus de corporalibus sagarum convenientibus creditum non fuit: Etsi denique ipse ego, dum cum variis ejus criminis reis in carceribus frequentius ac attentius, ne dicam curiosus, ita non semel animum intulvi, ut quid tandem hujus rei crederem, penè ignoraverim; nibilominus ubi summum tandem colligo

colligo perplexarum cogitationum, id omnino tenendum esse existimo, reverā in mundo maleficos aliquos esse, nec in sine temeritate ac preposterū judicij nota negari posse. Videar ut auctores, qui argumentum hoc proficiuntur, Remigius, Delrius, Bodinus & alii, nostri instituti hic non est, morari. Tot autem esse, et eas omnes, qua battenus infavilli evolarunt, neque credo vel ego, vel multi quoque metum p[ro] viri, neque adeo, ut credam facile, persuadebit, quisquis tecum non impetu & clamore vel auctoritate pertendere, sed judicio & ratione rem examinare volerit. Inficit hāc suā prudentiā quisquis est auctor, ut praescindat diversa sentientibus occasionem, ipsum ex prejudicio co[n]uni pro atheo habendi, & licet eō melius rationes suas & evidentes & fortissimas eō fortius animis cordatiōrum, Politicorum imprimis insinuaret. Et certe tanti ponderis nobis videtur iste libellus, ut quemadmodum hucusque nemo eum impungnavit, ita nec putemus dari posse. JCtum autem Politicum sanx menis, qui perfecto isto libello vel dubitare saltem de iniunctate processus contra sagas amplius possit, tantum abest, ut refutare libellum hunc intendat. Quod si vero alterius conditionis homo quicunque ejus refutationem meditetur, non posse id fieri credimus absque insigni & eminenti sui prostitutione, ita omne tulit punctum auctor iste anonymous.

## §. V.

Quid ergo dissertatione nostrā erit opus? Evidem ipsi met fatemur, quotisse ē nos abstinere & Catone isto contenti esse. Sed tamen nec superflua eam fore confidimus. Dixit Autor iste, quicunque sit, se esse Catholicum, ut eō fortius videlicet stuporem JCtis Protestantibus excuteret, si videarent, in medio Papatu JCtos palpare tenebras, per operas Cleiri Papalis hac tenus lumen Jurisprudentiā nostrā obscurantes. Sed quilibet tamen attentior facile videbit, istam auctoris assertiōnem esse salutare figmentum, & sub hac larvā latere JCtum quendam Protestantem, fortē etiam, præter adductum rationem, cathedras hominum adhuc inter nostrarē Papizantium timentem. Sed & ob multas rationes putamus figmentum esse & dissimulationem, quod in adductō §. preced. loco sagas dari

(tales videlicet, quales Remigius, Delrius Bodinus adstrunt pacta cum diabolo ineuntes,) afferat. potissimum id suadet, si quis eruditionem & diligentiam, quibus in responsione ad reliqua dubia utitur, comparat cum frigiditate & inepta ratione, quæ transparent in adducendo responsione ad dubium primum. Scilicet voluit Scenze inservire. Fingebat se esse Catholicum. Si dixisset, non dari sagas, & sputandum ei fuisset contraria eos, qui sagas dari adstrunt, ostendenda origo fabula, ostendenda fuissent causæ, cur vana ista pertinaciam tanto conata fuisset haec tenus defensa. Ita vero nemo crediebat, scriptum hoc à J Cro Catholico prodiisse. Quemadmodum: sicut hæc, quæ omisit Auctor *Cautela Criminalis*, multis suppeditabunt theses disputationi nostræ, ita & in illis, quæ ad processum pertinent, secundæ curæ forte nonnulla nobis ostendentur ab Auctore isto, quem nullo modo exscribere animus est, prætervisa ac omissa.

## §. VI.

Igitur quædam modum Gœdelmannus concessit pactum magorum cum Diabolo, negavit pactum Lamiarum; Bekerus autem Diabolum aut certe ejus efficaciam ullam in homines negavit; Auctor vero *cautela criminalis* saltem ita se gessit, ac si dari sagas & pacta earum cum diabolis crederet, denique vulgus eruditorum & dari diabolum & dari sagas multas & justissimum ac piissimum esse processum hactenus usitatum contraria eas, non solum sibi, sed & aliis persuadere laborat; ita nos peculiari opinione ab his omnibus diversâ arbitramur, dari diabolum extra hominem, eumque ab extrâ intrinsecè tamen & invisibiliter operari in hominibus improbis, sed negamus, dari sagas & magos pacta cum diabolo ineuntes, quin potius arbitramur, hanc fabulam ex Judaismo, Gentilismo ac Papismo conflatam esse, & iniquissimo processu, hactenus etiam apud Protestantes usitatisimo, stabilitam.

## §. VII.

Quod Bekeru hypothesin assumeremus, (& forte etiam ipsius Dalii) non opus haberemus argumenta querere quibus mon-

monstretur, non dari pacta magorum cum diabolo, cum non entis nulla sint predicata. At cum hæc à Beckero dissentimus, alia viæ opus erit. Nec putemus enim nos saltem per fictionem ad invidiam evitandam à Beckero dissentire. Serio id facimus, & omnem suspicionem sequorem non solum deprecamur, sed & disertè definitione Diaboli mox proponendâ refutamus. Quomodo affectu Philosophiæ Aristotelicæ, quæ etiam adhuc in cathedris superioribus tantum non ubique regnat, & unde communis error de magis nutrimenta sua summis, Beckeri doctrinam refutare possit, non videmus. Nec etiam putamus, possibile esse, ut affectu philosophiæ corpuscularis & mechanicæ serio dissentire possit à Beckeri principiis & conclusionibus. Si modo intelligent ipsimet, quid dicant, & ut alii id etiam absque conceptibus contradictoris intelligere queant, efficiant. At nos, qui Philosophiam antiquissimam spiritualem sequimur, non solum credimus; sed & aliquo modo scimus, diabolum esse principem tenebrarum & aeris, h. e. substantiam spiritualē seu invisibilē spirituali seu invisibili modo mediante aere vel corpusculis naturalibus aquæ aut terrestribus operantem in hominibus improbis.

## §. VIII.

Non possumus tamen comprehendere, cur illi, qui diabolum cum Beckero negant, hactenus etiam à viris piis pro Atheis fuerint habiti, cum potius Adæmonum nomen meruerint. Nam ut posito Deo non statim ponitur Diabolus; ita nec remoto diabolo statim Deus removetur. Itò miramur, cur plerique, qui hactenus crassissimas fabulas de diabolo eijusque viribus sibi & aliis persuadent, paucissimas saltem vel etiam planè nullas fabulis de bonis Angelis & earum virtutibus possint ferre, sed harum auctores, aut qui eis fidem habent. Enthusiastarum & simili nomine traducant, h. e. cur major sit cura stabiliendi erigentique regni tenebrarum, quam regni lucis? Imo facile etiam pravidemus, quod hæc serie nostra assertio de existentiâ & operationibus dæmonum nos non sic liberatura à convictiis, vel ex eo solo, quod negamus da-

ri criminis magia, sive pactum cum diabolo. Nam inter fabulas, quas Bodinus in demonomania refert, etiam illa est, quod Wilhelmus Luramus quidam anno 1453. in Gallia ob Magiam imperfectus expresse confessus fuerit, quod non tantum in fede re suo cum Diabolo inito omnes religiones ejurare, sed & Diabolo promittere debuerit, quod in posterum publicè docere & concessionari velit, omnia, quæ de magia & negromantiâ dicantur esse pura mendacia ac fabulas, & quod summa crudelitas sit, aliquem ob crimen magia punire. Sed facile quilibet, cui falsum natus est, odorabitur, quam ob rationem Clerus Pontificius hoc effinxerit, aut istum Luratum tormentis adegerit, ut relia confiteretur. Id modo dolemis, etiam viris piis ex nostris Theologis has nugas & similes alias imposuisse, ut & ipsi negantes crimen magia classi Atheorum accenseant. Sit unus instar omnium Theophilus Spizelius, qui vel ob hanc solam causam videtur scripsisse tractatum Germanicum, cui titulus die gebrochene Maht der Finsternis, ut adhortaretur Magistratus Germaniae ad processus contrà sagas acerrimè continuando & eos, qui pactum diaboli negant & processum contrà sagas impungnant, de atheismo & impietate suspectos redderet. Nos, ut non recriminamur, sed Spizelio illud Virgilii mitissimè opponimus:

*Fallit te incantum pietas tua;*

Sic pro nobis nihil aliud afferimus, quam ut saltēt quemicunque rogemus, cui sana ratio est, quo argumento quis in ferre possit, eum de impietate esse suspectum, qui negat crimen magia. Illos nunciaturi sunt, maxime operè precamur, ut propriam pietatem scrutentur & excuciant annon fortè insignis, quamvis insigniter adhuc pallietur, hypocrisis sub ea lateat, & tum demum proprio corde probè examinato de aliis, si putent, regulas Christiani id exigere, sinistre judicent.

§. IX. Dum vero negamus crimen magia, alios exscribere nolumus, qui fusi notarunt, magia nomen olim hororificè fuisse usurpatum & solis sacerdotibus tributum. *Vid.*

*Bodin.*

*Bodin. lib. 2. de monom. cap. 1. Ofiand. de magia. thes. 1. §. 4. Cal. Rhodig. lib. 5. c. 42. Peucer. de divinat. p. 287. Goedelm. de magis l. 1. c. 2. 3. id tamen existis auctoribus notamus, videri magiam antiquitus quidem quamcumque sapientiam & scientiam sed occultatam denotasse, h. e. scientiam rerum, quarum causas non saltēt ignoraret vulgus, sed & quarum causa maximè occultarentur, ut vulgus in ignorantia perpetuā detineretur easque vitutibus potentia humanā superioribus adscriberet. Roborat hanc observationem divisio Magia communiter recepta, quā magia dividatur in naturalem, artificialem, & dæmoniacam. Nam in his singulis speciebus supponitur quedam scientia rerum non quārumvis, sed rerum occultarum aut certe occultarum.*

§. X. Porro, dum iterum communiter Magia in licitam & illicitam dividitur, communis etiam consensus est, in quo & ipso convenimus, magiam naturalem & artificialem ad licite genera pertinere, solam dæmoniacam crimen esse. Ergo non opus est, ut de prioribus duabus simus ulterius solliciti, cum de sola ultima specie sermo sit, an detur! Solet autem hæc ultima appellari idiomate Patri Bauberey. Qui enim Magiam etiam naturalem aut artificialem germanice ad genera der Bauberey retulerit, præter Spizelius d. tract. Part. I. c. 1. p. g. observavimus neminem. Sed & hæc inadvertentia condonanda est pietati & simplicitati Vir quæ ex integro ejus tractatu ejusque singulis paginis eluent.

§. XI. Itaque queritur: An detur Magia dæmonica? Hic vero ante omnia præmittenda ejus definitio, quod plerique negligunt non satis aptè. Ut enim, cum de reb⁹ infensus non incurritibus sermo est, frustrè de quaestione, quid sint disputetur, antequam de eorum existentia constiterit; ita contra in rebus moralibus & juridicis ac in quibuscumque alis ideis entium plurimum aggregatorum, vel etiam actionum humanarum inepte queritur de quaestione, an sint, antequam ex sint definitæ.

§. XII. Definimus autem ex scriptis ac communi consensu eorum, qui id adstruunt, crimen Magia, quod sit delictum, quo quis cum Diabolo sœpè in corporali specie vel bestiæ, vel hominis

minis, vel monstri comparente, pactum init, quod velit, si Diabolus ipsius voluptati, avaritiae aut ambitioni satisfacere velit, cum Diabolo scortari, in certo loco ope Diaboli per aera magos vententis comparere, ac ibi cum aliis similibus Diabolum adorare, ac tripudiare & luxuriari, ope Diaboli hominibus, bestiis & frugibus, vel tempestates excitando vel alio præternaturali modo damna dare, & post certum temporis spatum animam & corpore Diaboli mancipium esse ac in æternum manere.

§. XIII. Cum itaque jam queritur an tale crimen Magiz detur, ita procedendum esse putamus. Omne delictum in facto consistit. Factum non praesumitur. Ergo qui asserit, dari crimen Magiz, id probare debet, non à negante probationem expetere. Etiam si enim pro negativâ nullam rationem afferremus, pro nobis tamen sententia etiam à judice indoctissimo esset pronuncianda. Age igitur prodeat initio Carpzovius & crimen Magiz dari contrà Wierum & alios ostendat.

„§. XIV. Primum juri divino convenit sententia, quæ vult „Sagas & Magos esse cremandos, quia DEUS jam pridem sen- „tentiam tulit in Maleficos, Pythones, Sagas & Incantatores „Exod. XXII. v. 19. quod debeant interfici. *Vid. Carpzov. dict. qu. 48.n.40.* Sed quæ connexio? Malefici illi, de quibus loquitur lux divina, non sunt Magi, quales nos definivimus. Non inierunt pactum cum Diabolo; quæcunque egerunt, egerunt absq[ue] pacto tali, sive id egerint artificiali deceptione sive occultis viribus naturæ, h. e. sive Magiæ naturali, sive artificiali, id nobis perinde est, modo non diabolicæ. Nec obstat, quod has Magiz classes inter licitas retulerimus, & DEUS tamen Magos, ut delinquentes voluerit puniri. Poterit enim id, quod ratione modi licitum est, ratione intentionis & scopi esse illicitum. DEUS eos puniri voluit, non ut tales, qui pacta cum Diabolis inirent, aut hominibus damnum darent, sed qui auctores & propagatores essent idololatriæ.

„§. XV. Sed, pergit Carpzovius, lex divina neutiquam de „veneficis tantum, qui veneno malo propinato mortem procu- „rant, restringenda est, ut putat Wierus, sed omnes denotat, qui

, qui præstigiis aliis offendunt, quales erant Magi Pharaonis Exod. VII. Verum videat Wierus, quid ad hanc sententiam Carpzovii respondeat. Nos enim alia usi sumus in §. precedente via. Nec nobis obstat hæc Carpzovii exceptio. Quibuscumque enim præstigiis usi fuerint Magi Pharaonis, nihil tamen fecerunt ex pacto cum Diabolo aut ope talis pacti, & non tam ob istas præstigias, quam ob idololatricam superstitionem jussi sunt à DEO interfici.

§. XVI. Attamen, posset quis pro Carpzovio utgere, non potuerunt ex præstigijs, quæ è Magis Pharaonis editæ sunt, per Magiam naturalem aut artificialem fieri. Non per illam, quia alias & Mosis operationes non fuissent miracula, sed opera naturæ: Non per hanc, quia vix imaginari mihi possum, quomodo id possibile fuerit, ut per illusionem baculi Magorum mutati sint in serpentes. Ergo per Dæmoniacam. Ad hæc respondeo,

1. Nondum constare, quænam sit differentia inter miracula & opera naturæ. Nam quæ communiter de operibus naturalibus, præternaturalibus & supernaturalibus, item de differentia inter potestatem divinam & diabolicalam ex Metaphysica Scholastico- rum docentur, & infystemata etiam superiorum facultatum transferuntur, meræ nugæ sunt ac petitiones principii. 2. Non sequitur: Magi Pharaonis ex occultis viribus naturæ, i. e. philosophiæ Aristotelicæ & Cartesianæ (quarum neutra quicquam, aut hæc certe non multum solidi quoad causas naturales demonstravit,) incognitis produxerunt istos effectus, ergo Mosis opera fuere etiam naturalia. Nam quæ à Mose & Aarone posse à edebantur opera, quæ à Magis non poterant similiter produci, fatis probabant potentiam potentiam Magorum superiorum, ut adeò velex hac ratione non possimus argumentari à Magis ad Mosen. 3. Et cui non notum est illud; Duo cum faciunt idem, non est idem? 4. Multa nobis imaginari non possumus esse per artem possibilia, quæ tamen vilissima sunt, si ostendantur. Et infinitæ sunt præstigiæ, quæ homines viribus supernaturalibus adscribunt, cum tamen sint meræ illusions. Huc refer ista artificia Abrahami Colomni cum chartis Iusorii recensita à Spizelio d. l. p. l. c. 6. p. 26. quas tamen hic auctor absq[ue] ullâ

ullâ ratione Diabolo adscribit. 5. Si ope Dæmonis Magi pharaonis produxerunt, quæ produxerunt, vel Dæmon id fecit q̄r vires naturæ, vel per præstigias & illusiones. Non per illas, quia alias & Mosis miracula fuissent operationes naturæ: Non per hanc, quia vix imaginari nobis possumus, quomodo id possibile fuerit, tñt Diabolus potuerit illudere sensibus hominum. Saltem argumentum hoc in eum finem afferro, ut ostendam, facile objectionem nobis factam, in adversarios retorqueri posse, Nam ego quidem nolo personam respondentis mutare in personam opponentis.

„ §. XVII. Sed idem tamen disponitur, ita pergit Carpzovius, Lev. XX. v. 26. ubi lex jubet omnes magos interfici. Et ista, lex in populo Israëlitico semper fuit in viridi obseruantia, quod, testatur exemplum Pythonissa in Endor quæ formidabat Saulem: quia sub pœnâ capitis magicam artem prohibuerat. Rex Manasses etiam & totus populus Israëliticus propter artes magicas fuere à Deo graviter puniti. Respondeo 1. Confunditur semper Magia idololatrica cum Diabolicâ illâ, quâ pactum initur cum Diabolo. 2. Carpzovius non tam sollicitus est, ut probet dari magiam, quæ tamen esse debebat primaria quæstio in disputatione adversus Wierum, quam ut probet, magiam esse capitaliter puniendam 3. Quamvis nec hoc probetur firmiter ex allegatis legibus divinis, ut potè quæ purè forenses sunt, & Christianos non obligant. Jubet eadem lex, filiam Archisacerdotis scortantem igne cremari, cur non igne cremantur filii Superintendentum nostrorum si talia committant? Sanè major covenientia est inter Archisacerdotem Judaicum & Superintendantem hodiernum, quam inter Magos illos, de quibus loquitur lex Judaica & eos, de quibus disputamus. 4. Deuter. XIX. v. 10. & 11. ubi Deus multas species magie, quam Israëlitis prohibuerat, recensentur, nulla sit mentio magie talis Diabolicæ, de quâ disputamus, sed omnes ibi recensiti fuere idololatri & deceptores ac agyrtæ, quod latius probat Dale in tractatibus *de oraculis & de divinationibus idololatricis Iudeorum*.

§. XVIII. Adjuvabimus ipsi Carpzovium. Ista enim Py-

tho-

thonissa in Endor produxit vel Diabolus sub specie Samuelis vel ipsam animam Samuelis, quod absque ope Diaboli fieri non potuit. Respondeo 1. Nulla diaboli multo minus paci cum eo in scripturâ sit mentio. 2. Nec apparuit Diabolus, nec anima Samuelis, nec species ejus, sed mera fuit illusio. Fuit ista foemina ex eorum classe, qui ex ventre lequi possunt, & ita decepit Saulem, quod etiam conveniens est textui. Sam. XXXVIII. Nam Saul nihil vidit, sed audivit saltem vocem, & solum foemina dixit, se videare aliquid.

§. XIX. Igitur primum argumentum Carpzovii nihil probat. Videamus secundum, in summam tamen contractum. Cum, hâc lege divinâ non modo congruit lex naturæ, ut appareat ex sanctionibus Ethnicorum, pœnas capitales Magis decernentium, veluti & Plato lib. II. de Legibus mortis pœnam ponit Magis, sed & eandem sequuntur concilia, quibus variæ pœnæ in magos & veneficos constituantur, eademque fuit praxis apud populum Romanum & Persas. Respondeo 1. iterum confunditur quæstio de existentia Magorum cum Diabolo pacientium, cum quæstione de pœnâ Magiæ naturalis & artificialis. 2. Confunditur lex naturæ cùm moribus quarundam Gentium. 3. Parum aptè miscetur moribus Gentium phantastica Respublica Platonis.

§. XX. Tertio, pergit Carpzovius, de jure quoque Civi- li Magis seu Veneficis pœnam capitalem infligendam esse dubi- tandum prorsus non est. Respondeo 1. Behe, quod Carpzovi- us dicat Magis seu Veneficis. Igitur planè aberratur à quæstio- ne de quâ disputamus. Neque enim Venefica Germanice est eine Hexe/ uti vulgo ob istud commune erroris præjudicium interpretamur, sed eine Gifftmischerin. At vero ad beneficium tale nullâ diaboli ope ac fœdere opus est. 2. Leges ipsæ nusquam mentionem faciunt pactorum cum diabolis, sed au- gurum, auspicum, mathematicorum seu astrologorum &c. Ut ratiocinalias responsiones ex præcedentibus hic iterum repe- tendas, & quod ulterius pro existentiâ criminis magie Jus Civi- le non magis possit allegari, ac pro existentiâ cuiuscunq; entis.

§. XXI. Jam ad potissimum monentum probationis Carpzovianæ accedimus. Quarto, negari non potest. Magos & sagas pactum habere cum Diabolo, in quo abjurant scđus, quod, cum Deo inierunt in baptismo, testibus Bodino, Remigio, Chirando &c. Resp. Pudere debuisset Carpzovium, in re, ubi momentum quæstionis situm est nil aliud profere, quam testimonia scriptorum Pontificiorum, repletum libros suos partim fabulis anilibus ac Clericalibus, partim depositionibus hominum melancholicorum, aut crudelissimis tormentis ad dicendas res de quibus interrogabantur, adactorum. Si nostri Jure-Confulti hucusque non exscriptissent absque judicio alios & imprimis Pontificios, sed res quæ Physicas, quæ Morales, de quibus leges disponunt, secundum naturam suam intellectu quilibet proprio considerassent, jam dudum Jurisprudentia nostra etiam habita fuisse pro disciplinâ ad veram Eruditionem pertinente ab eruditis. Jam cum unus exscribat adhuc absq[ue] iudicio alterum, & summò stupore putet se non invenisse, quod puneri in faba, si casum aut quæstionem inveniat in terminis terminantibus, vitio non debemus vertere Eruditis, si cum nomen Jcti audiunt, concipiāt sibi in terminis terminatibus Rabulam aut Legulejum. Sed ad Carpzovium nostrum,

§. XXII. Pergit ille : Licet non omnes Magi exp̄ressè, cum Diabolo paciscantur eique obsequium perpetuum promittant, Deo tamen renunciant commercium cum Diabolo habentes, quo ipso tacitam seu implicitam pactionem contrahit manfestum est. Respondeo. 1. Si nullum pactum expressum datur, uti haec tenus tale nullum fuit demonstratum, de pacto tacito frustrâ queritur. Qui enim non exp̄ressè contrahere potest, & cum quod exp̄ressè contrahere nequit, is etiam non contrahit, nec cum eo contrahitur tacitè. 2. Id in quæstione est, an Magi qui præstigiis Homines decipiunt, commercium corporale cum Diabolo habeant, & ita Deo tacitè renuncient. 3. Si illi, qui commercium spirituale cum Diabolo habent, pactum tacitum cum Diabolo faciunt, & tanquam Magi cremandi sunt, si et summa-

confusio omnium delictorum. Nam fures, adulteri, mendaces & omnes, qui operantur opera carnis, commercium spirituale habent cum diabolo.

§. XXIII. Addit Carpzovius : Homicidum ac adulterorum poenam capitalem esse. Magiam autem esse crimen derius, homicidio & adulterio, imo sagas, dum infantes proprios, Diabolo sacrificant, esse homicidas, & dum succumbunt Diabolo, esse adulteras. Respondeo semper miseri quæstionem de poenâ magiæ cum quæstione de magiæ existentiâ, & quoad hanc semper peti id, quod est in principio.

§. XXIV. Restat ultimum argumentum Carpzovii. Quinto dicit : Sagis ac Lamiis ipsiſmet conductit, ut quam mature, & medio tollantur. Nam Diabolus tam pertinaciter eas latet, queis suis involutas habet, ut citius non dimittat, quam moriāntur. Quo in genere fidem non immergit habemus Remigio, Ducis Lotharingiæ Confiliario qui judicis capitalibus, non gentium plus minus magnorum interfuerit testanti, quod ex tot milibus, quos fortilegi laqueis irretitas habuerit Satan, nemo auditus fit, qui se aliter expediverit, quam culpe vel coactâ vel libera professione ac deinde ejus morte luitione. Respondeo. 1. Quis putaret Jctos Lutheranos eò absurditatis potuisse abducere, ut Carnificem pro instrumento ordinario conversionis habent? 2. Cur vero Remigio iterum credit cœcus Carpzovius, homini superstitione & mancipio Cleri? Rationes ob quas fidem ipsi Carpzovius adhibuit, quod in Lotharingiâ tot judiciis de magiâ interfuerit, apud nos fidem ejus destruunt. 3. Neque intellexit Remigium Carpzovius, qui non illud dicit, quod hic deducit, sed qui saltem dicit non potuisse se liberare à pactis cum Diabolo sagas, antequam crimensint confessæ, quam confessionem postea per leges Clericales necessariò mors sécuta sit. 4. Si Jurisprudentia Carpzovii opus habet, ut ab aliorum auctoritate, aut fabulis dependeat, cur non potius credidit Theologis nostris, qui docent, multos magnos absque pœnâ mortis fuisse iterum in ordinem radactos, & qui diabolum depingunt tanquam spiritum ita impotentem & enervem, ut crepitum ventris possit expellere?

li, & nequeat caligraphum ejus, qui cum ipso pactum iniit, auferre ex Bibliis; quod tamen minimus catellus potest. Videantur Lutheri Tischreden & Spizelii gebrochene Macht der Finsternis p. r.c. II. p. 211. sequens & p. III. per integr. 5. Pulcrum vero argumentum, quo etiam homicidium defendi posset, si quis hominem fruges coiulnere natum, iue Gallicâ infestum, aut morbo maxime dolo. ifico laborantem interficiat, sub prætextu, quod ipsi conduceat, ut quam mature è medio tollatur 6. Non intelligit fines pœnarum capitalium, qui hoc lubrico & vix tyronibus condonando prætextu pœnam capitalem defendere vult.

§. XXV. Claudit Carpzovius suam probationem: Jam, judicet quivis, qui vel tantillum pietatis ac sanx mentis habet, annon recte ac probè agat Magistratus in Magos & Veneficos, animadvertis. Nos contrà: Jam judicet quivis, qui vel tantillum prudentia (nolumus enim allegare Carpzovii pietatem imprudentem, quæ in fide anilium fabularum consistit,) ac sensus communis habet, an non turpe sit tanto JCto, in re tam seria ac tanti momenti tam turpiter ludere.

§. XXVI. Sed opem ferat Carpzovio Spizelius, JCto Theologus. Nolumus hic detegere turpitudinem viri pii, & omnes nrae libri ejus sepius citati ostendere, sed solum paucis expendere argumenta potissima, quibus in Parte II. cap. II. probare vult reale ac verum foedus hominibus cum Diabolo intercedere. Primum p. 112. dicit, sententiam contrariaam esse errorem malitiosum & crafsum, cui ante multos annos Thomas de Aquino, Bonaventura, & Johannes à Turrecremata tanquam communissimæ & damnosissimæ heresist contradixerint. Imo esse errorem periculosissimum & pestilentissimum, quia viam sternat Atheismo. Resp., 1. Hoc non est probare sententiam affirmantem, sed Zelo in tempestivo invehere in dissentientes. 2. Thomas de Aquino, Bonaventura & Johannes de Turrecrementa hanc dubiè contradictionem etiam doctrinæ Lutheranæ tanquam damnosissimæ heresis, & tamen Spizelius eorum auctoritate non commoveretur, ut credere. 3. Sententia hac, quod non detur crimen Magia na-

natores, qui pro concione & in scriptis loco doctrinæ salutaris proponunt dogmata anilia & superstitionisima in causa sunt, ut homines aliquâ faltem ratione & sensu communi pollentes & ab extrema superstitionis labe se liberare cupientes, incauti incident in alterum extremum Atheismi. 4. Imò sententia communis, quam Spizelius defendit, inducit homines in crassissimam & plusquam puerilem superstitionem. At superstitionis & stultius & perniciosius vitium est, quam Atheismus, ut latius deduxit haec tenus à nemine cum successu refutatus Bailius in cogitationibus promiscuis super Cométâ.

§. XXVII. Pergit Spizelius p. 214. Si non essent pacta rea, lia & vera magorum cum Diabolo, non promulgasset DEUS, leges peculiares contrà Magos, & omnia falsa forent, quæ in scripturis de Magis dicuntur. Respondeo, nullam esse consequentiam, quia per haec tenus dicta nondum ullâ ratione verò simili probatum est, quod illi Magi, quorum Scriptura mentionit, habeant pactum cum Diabolo.

§. XXVIII. At, inquit Spizelius, si non daretur fœdus, Magorum cum Diabolo, impudentissimè contradiceremus, omnibus & singulis antiquis & de Ecclesia Christiana egregiè, meritis Doctoribus, Augustino, Tertulliano, Epiphanius, Chrysostomo, qui non tantum fœdera Diaboli cum hominibus pro veris & realibus habuerunt, sed etiam maximo conatu, se iis opposuerunt. Respondeo 1. Impudentius est, uti auctoritate Patrum ad defendendas fabulas pueriles. 2. Doctores de Ecclesia Christiana egregiè meriti sunt sepius propter pietatem suam & simplicitatem maximè creduli, & iis adhuc hodie sepius imponitur per homines mendaces, aut hypocritas. 3. Nihil ta n absurdum est, quod non sententia alicujus Patris Ecclesiae defendi possit. 4. Absque læsione pudoris contradicimus Patribus istis antiquis, qui hereticos judicabant illos, qui antipotes statuebant. Cur non & hinc similiter? 5. Quænam sit ratio, cur Patres Ecclesiae haberent fœdera Diaboli cum hominibus pro veris, infra ostendetur.

§. XXIX. Pergit Spizelius; Fore summam & extremam,

temeritatem, si quis vellet contradicere tot & tam innumeris, approbatis, & fide dignis scriptoribus, imò comuni Experi- rientia. Respondeo, magor temeritas est, pro experientia &, pro Scriptoribus fide dignis jaētare fabulas, quibus creduli s̄e a malitiosis hominibus decipi patiuntur, & Scriptores superstitiones. Reliqua non mērentur, ut apponantur, quæ Spizelius dicit, cap. 2. & 3. pro probanda existentia fœderis Diabolici adducit. Si quis tamen putet, inesse aliquid, quod responsum me reatur, reservabimus id conflictui.

§. XXX. Atque hæc sunt ista fundamenta, quibus creditum fuit magos fœdus inire cum Diabolo, & reliqua, quæ suprà §. 12. recensuimus. Et ob has rationes nullius planè momenti tot millia hominum vel innocentium, vel certè hoc crimine non pollutorum sub specie pietatis, justitiae ac Zeli divini crudelissimè interemta sunt. Jam ex abundantia addamus rationes pro negativa. Sed ante omania hic notemus, non esse à nobis postulandas demonstrationes Mathematicas. Etsi enim Magi, Malefici, & Mathematici s̄apè apud JCTos synonymicè usurpentur, apud Philosophos tamen Diabolus ejusque potentia nec est subiectum Matheſeos, nec demonstrationis. Interim studebimus proferre rationes, quarum verisimilitudo æquipolleat demonstrationi.

§. XXX. I. Diabolus nunquam assumſit, nec potest assumere corpus, ergo non potest fœdera corporaliter inire, nec unquam corporaliter iniiit, multo minus incubuit aut succubuit Magis & Sagis, aut eos sub specie hircina in montem Bructerorum duxit &c. Non obstat exemplum Satanæ tentantis Christum. Resp. I. Convenire primitus debent interpretes de intellectu illius historiæ, utrum per imaginationem Christi vigilantis, utrum per somnum dormientis tentatio illa facta fuerit, utrum, quod nobis videtur vero similius par satanam ibi intelligatur, uti & alibi in Scripturis fit, homo, quorum ultimum nobis videtur verosimilius. At nulla ex his interpretationibus historiae seponere præjudicia puerilia, quamvis haec tenus à plurimis,

mis, qui debebant desisse esse pueri, defensa. Quale est illud, dum creditum fuit ex ignorantia antiquitatum Judaicarum, Christianum per aerem esse ductum in pinnaculum templi oben auff die Spize. Tale igitur etiam est illud, quo imaginamur nobis, Diabolum apparuisse Christo sub specie corporea. Nam posito, quod ipse Diabolus tentaverit Christum, tamen falsum est, aut certè nullà ratione verosimili probatum, id factum fuisse sub specie corporea hominis vel monstri. 3. Præjudicium sententia contraria oritur ex imagunculis Evangelicis, secundum quas Pontifici sibi tentatorem nescio sub cujus monstri specie, nos Lutherani sub specie monachi cum cucullo imaginamur. Et mereretur peculiarem dissertationem superstitio Papalis in Ecclesiis Lutheranis per imagunculus illas Catecheticas & Evangelicas infantibus instillata, firmiter herens per totum vitæ spaciū. e. g. imaguncula, quæ apponitur præcepto tertio, petitroni sextæ, doctrinæ de Statu oeconomico & de coniugio, Evangelio in Domintca Oculi &c.

§. XXXII. II. Si Diabolus posset assumere corpus, falsa esset assertio Christi, quod Spiritus non habeat carnem & ossa, & in extream foret argumentum, quo Christus voluit uti ad convincendos Discipulos. At utrumque horum cogitare blasphemum est.

§. XXXIII. III. Non potest Diabolus turbare potentiam & ordinem naturæ invisibilis, ergo non potest corpus assumere, tempestates excitare, hominem per aerem transferre &c.

§. XXX. IV. Non cohærent, quæ boni homines modo de tanta potentia Diaboli in naturam invisibilēm garriunt cum aliis fabellis suprà memoratis, quod possit crepitum ventris expelli, aut quod non possit aliquid auferre ex Bibliis &c. Nec est, quod ad finem hominis hic recursas. Si enim fide ejicitur, quid opus fuisset crepitum, nisi forte & stultâ distinctione inter crepitum rem absurdum absurdius dicam, an blasphemius velis palliate.

§. XXXV. V. Nullus effectus est, ac nullus usus fœderis Diabolici, neque ex parte hominis, neque ex parte Diaboli. Non illius. Dicunt enim, magos pacta iure voluptatum, pecunia & hono-

honorum consequendorum causa. Sed simul dicunt, plerosque magos decipi. Sed demus, etiam non decipi. Annon absque ope diaboli levi industria & astutia, imo annon modis honestis hæc omnia acquiri possunt. Quid opus igitur fœdere cum Diabolo.

§. XXXVI. At concedamus, cum nullum sit stultius animal homine, homines esse revera ita stultos, ut novimus multos tales esse, ut fœdera cum Diabolo querant, an putas, Diabolum æquè stultum esse, ut absque ullo fructu pactum cum homine ineat. Est jam mancipium Diaboli, qui voluptatis, avaritiae & ambitionis mancipium est. Cui usus igitur fœdus ex parte diaboli? Ut hominibus damma det per Magos? At quibus? Non certe fidelibus. Infidelibus & iis, qui jam sunt similiter ejus mancipia, aut Diabolus damnnum dare potest, aut non potest. Si prius, quid opus est magis, si posterius, nec per magos. An ut duplex vinculum fortius liget, quam simplex, & ut magus non tam facilè possit evadere laqueos diaboli, quam si solum sit mancipium affectuum? Nec hoc cum natura humani generis, nec cum iis, que nostri de magis docent, conveniunt. Vide Part. III. Spizelii, quod non adeò difficulter magi possint chirographum suum recipere à Diabolo. Sed & vide naturam humani generis, quam difficillime homo, etiam Christianus, posset consuequi dominium in affectus. Alias rationes reservamus curis secundis.

§. XXXVII. Videamus jam originem fabulae. Multa hic suppeditabant Beckerus lib. i. mundi fascinati & Dalius in tractatibus sapius allegatis, ita tamen, ut aliorum curæ multa supplenda, fortè etiam emendanda reliquerint. Nobis paucis inquisitio hujus quæstionis eâ methodo videtur esse instituenda. Sunt populi, si secundum religionem eos dividere velis, vel Gentiles, vel Judæi, vel Christiani, vel Mahomedani. De Mahomedanis non opus est, ut inquiramus, partim quia eorum religio ex tribus prioribus est composita, partim quia ratione temporis quoad originem est ultima, adeoque inquisitio, quid ipsi de Magia statuant, nihil juvare poterit ad ostendendam originem erroris.

## DE CRIMINE MAGIE.

roris Christianorum. At religio Gentilium & Judæorum, antiquior Christiana, & primi Christiani potissimum post natum Christi partim Gentiles errant, partim Judæi. Ergo istis duabus prius videndum. Si vera esset & revera existens Magia, deberet doctrina Judaica ex fontibus sacrarum literarum prius proponi. Nunc cum erroris fontes inquiramus, & fabulae Judaicæ ex libris Rabbinorum, qui diu post Auctorum Gentilium, quorum scripta habemus, atatem vixerunt, inquirendas sint, præstat de sententiâ Ethnicorum prius videre. Philosophia Gentilium est vel Barbarica vel Græca. Illa quidem est antiquior, sed quia paucissima & incertissima de eâ constant, contrâ Græcorum scripta in omnium manibus sunt, ac primi Christiani ex Græcis erant, & præterea in ipsis sacris literis Novi Fœderis Græci sèpè Gentiles quosvis denotant, ac Judæis opponuntur, de Græcis inchoandum erit.

§. XXXVIII. Missâ vero Philosophiâ Scepticâ, utpote quæ ad nostrum scopum nihil planè conferre potest, cum Sceptici etiam de rebus visibilibus dubitarent, & inter omnes sectas magis ad Atheismum, quam ad superstitionem inclinarent; dilatâ etiam ad secundas curas Philosophia Græcorum Fabulosâ seu Poeticâ, de dogmaticâ potissimum erit dispiciendum. Cum autem hujus sint sectæ ferè infinitæ, alio tempore ex Laertio & Plutarcho, quænam Thalethis, aliorumque Philosophorum sectæ Jonicæ, ut & ex Schefferi Philosophiâ Italica, quænam Pythagoræorum de dæmonibus & Magia fuerit sententia, meditationes nostras illustrabimus. Nunc de quatuor sectis potissimum saltem, quæ temporibus primis Christianismi sub Romano Imperio florebant, debemus esse solliciti. Puta de Epicureis, Stoicis, Platonicis, Aristotelicis. Ac Epicurei quidem, uti omnes, qui olim & hodiè philosophiam corpuscularem sequuntur, anfam superstitioni de Magis & Sagis haud dubiè non dederunt, cum eorum plerique omnes spiritus olim negaverint, hodierni vero, et si Diabolum credant, rectè tamen à superstitionibus magicis sunt alienissimi. Neque Philosopho-

phorum Epicuriorum quemquam credo transiisse ad religionem Christianam. Stoici & Platonici primis Christianorum seculis maximè florebant & Patres priorum seculorum multi alterutri ex his duabus Sectis erant addicti, quamvis nec Aristotelici videntur esse planè excludendi. Quid singulis ex his tribus sectis scorsim sit tribuendum, etiam secundæ curæ indicabunt. Communis Gentilismi superstitionis, potissimum vero Platonicorum & Stoicorum doctrina erat, esse Deos vel superos, vel in feros, vel medios, & inter divinam naturam ac humanam esse varias essentias intermedias, quas maximam partem demona appellabant, & hæc in bona & mala distribuebant, illisque ad auctoritatem sibi apud populum comparandam & philosophi, & omnium maxime fæcatores Gentilium divinationum & magiar effectus attribuebant. Interim nullam species divinationum & magiar tertia ac pecularis ipsis erat, quam Daemoniacam appellarent; sed tam divinationem, quam magiam in naturalem & artificialem distribuebant, ac solum ad decipiendam plebem utrique varias admiscebant ceremonias superstitiones, ac in utrâque fingebant, sibi commercia esse cum diis aut essentiis intermediis seu dæmonibus. Atque dæmonibus etiam corpora tribuebant Stoici.

§. XXXIX. Porro intersectas varias Judæorum, qui tempore Christi florebant, (de quarum singulis in secundis curis distinctius dispiciendum,) Pharisæi, quorum maxima apud populum erat auctoritas, erant superstitionissimi, atque, uti ex Philonis & Rabbinorum scriptis patet, infinitis fabulis de dæmoniis malis seu diabolis & eorum effectibus, de Archidiabolo Sammæl & de matre ejus Lili, deque virtute & efficacia adversus diabulos literarum, nominum ac numerarum, quam in Cabballâ suâ seu doctrinâ arcanâ docebant, item de divinitate Bath Kool & populum Judaicum decipiebant. Adscribabant iudem diabolis, quod & Gentilium multi faciebant, corpora aut virtutem corpora sibi formandi, ac corporaliter hominibus nocendi, cum hominibus concubendi, & conse-

quenter etiam pacia & societas cum hominibus in eundi.

§. XL. Etsi igitur statim post Christi mortem ex novis Christianis Judæi & Græci ob varias causas & doctrinas sæpissimè collidebant, ex qua collisione omnes hæreses primum ortum dicunt, non respuebant tamen primi patres Ecclesiaz Græci, & poste à Latini etiam, postquam Judæos seculo quarto supresserant, Judæorum doctrinas, quæ cum superstitione Philosophiaz Græcæ, maximè autem Platonicæ & Stoicæ conveniebant. Plurimi enim Patrum Philosophiaz Platonicæ & Stoicæ addicti erant, & notum est vel ex Augustini libris *de civitate Dei*, in quâ veneratione tum fuerit Philosophia Platonica: Igitur multi erant Patres & inter eos potissimum Laetantius lib. 2. *divin. Inßit.* (de aliis, Athenagorâ, Tertulliano, Hieronymo &c. vide Lipsii *Physiol. Stoic. lib. 1.*) qui, cum de diabolis, & eorum potestate, de iis non multum invenirent in sacris literis, multa tamen docere vellent, partim torquebant textus scripturarum sacræ ad diabolum, qui tamen de eo non loquebantur, ut dum docebant, serpentem tentatorem fuisse diabolum, & prophetiam Esaiæ de lapsu Regis Babyloniz loquentis & eum sub nomine Luciferi indigitantis, de diabolo ejusque lapsu explicabant: partim supplebant silentium sacrarum literarum ex fabulis Judaicis & Platonicis aut Stoicis. Hinc communis illis temporibus expositiō eorum, quæ Moses de nuptiis filiorum Dei cum filiabus hominum tradit, quasi per filios Dei interelligantur Angelii, & ex talibus concubitibus etiam angelorum cum fœminis nonnulli originem aut multiplicationem certe diabolorum deduxerunt. Hodie verò postquam apud Protestantes plerique cordatorum scripturarum interpretum illam erroneam interpretationem doctrinæ Mosaicæ de conjugiis angelorum cum fœminis rejecerunt, debebant etiam simul rejecisse erroneous conclusiones, quæ successu temporis errori illi capitali accesserunt. Aut enim insigniter fallimur, aut huic errore doctrine de nuptiis angelorum & hominum, pleraque, si non omnia, quæ

de magiâ hodie homines sibi erroneè persuadent, de fœderibus ac societatibus diabolorum cum hominibus, de incubis & succubis &c. originem debent. Ut taceam, illas mutiplices fabulas de diaboli in specie corporea apparitione, quæ extant in vita Pauli & Anthonii, quasq; uti multi etiam nostratum habent pro verâ historiâ, ita jam Erasmus, notavit, totum eum libelum esse figmentum in cerebro Hieronymi natum.

§. XLI. Post secula barbara cum scholæ iterum & Academiz instituerentur, apud Protestantes in confesso est, regnasse summam superstitionem in Papismo. Etsi igitur Doctores Scholastici Aristotelem sequerentur, eumque explicarent, hic vero tot & tam absurdas fabulas, uti Platonici & Stoici faciebant, de Dæmonibus eorumque efficaciam corpoream non tradidissent, ex variis tamen rationibus factum est, ut Scholastici & potissimum Scotistæ inepias omnes de Diabolorum pactis cuncti Magis arriperent. Ut enim doctrinam suam catholicam esse jactare possent, eruendus erat consensus Patrum Ecclesiæ priorum Seculorum. Cum vero hi magnam partem Platonici & Stoici essent, tentanda erat (quamvis id non posset nisi inepitissimè fieri,) conciliatio Philosophiaæ Platonicæ & Stoicæ cum Aristotelica. Opus etiam erat multis Pseudomiraculis ad idolatriam Papisticam persuadendam. At hac autem maximè aptæ erant etiam fabulæ antiquæ de fœderibus Diaboli cum Magis, cum hoc pacto Clerus Pontificius in rebus inanibus, inanibus etiam reme- diis, quæ partim in convertendis fictis Magis, partim in curandis effectis morbis cosistebant, quos ex Magia ortum duxisse populum persuadebant, hunc facile in sui admiratione poterant perducere. Erat & alia utilitas fabulæ de pacto cum Diabolo. Si quidam viri pius & probus esset, Clero Pontificio ob infinitas causas (quis enim eas ob quas quis Clero displicere poterat, omnes enumeraverit?) invisus, & hic ita prudenter actiones suas instueret, ut sub praetextu heterodoxiarum aut heresios ipsi nocere non posset, nullum aptius remedium erat, eum ad ignem damnandi, quâ si de Magia criminis cum suspectu redderent, & diris tormentis

tis eo adigerent, ut infinitas nugas à Clero Pontificio excogitatas de commercio Diaboli cum Magis confessione suâ confirmaret.

§. XLII. Erat Italia istis superstitionibus infecta, cum studium Juris Civilis Justiniane in Academiis Italicis florere inciperet. Inveniuntur ibi potissimum in Codicis titulo *de Malef. & Mathem.* leges de poenis veneficorum, & astrologorum &c. Cur astrologia tam invisa esset, potissima causa erat, quod multi homines superstitionis Astrologos de morte Cæsarum consuluerent, quam & potissimum causam fuisse, cur jam ab Augusti temporibus Philosophi imprimis Platonici ac Mathematici ex toto Imperio Romano fuerint ejecti, & ob quam ipse Constantinus Magnus, utpote qui antea ipse eos consulerat, illos timebat, & legibus peculiaribus in eos animadvertebat, alii jam annotarunt. At quod ad reliquam Magiam superstitionem attinet, punire juberet Constantinus in l. 4. Cod. d. tit. saltem Magos, quatenus damnum dant, aut ad libidinem excitant, superstitionem vero, quæ ad curandos morbos & similia adhibetur, puniri non vult. Ob quam legem, ut istud obiter notem, etsi communiter male audiat Constantinus, & nos nec superstitionem ipsam, nec rationem legis approbemus, putamus tamen non injustè fecisse Constantinum, quod eam, quæ damnum non dat peccatis civilibus coercere noluerit, cum talia vitia magis pertineant ad emendationem doctrinalem, quam ad civilem. Interim exinde videmus, quod tum temporis nondum persuaserint sibi Episcopi Christiani, ac si Magi haberent pactum cum Diabolo, alias Constantino, qui fere nihil citra consensum Cleri faciebat, non permisissent, in dicta lege eam distinctionem Magia adhibere.

§. XLIII. Quia tamen Glossatores juris Civilis à tenera juventute doctrinis Clericalibus erant infecti, inter quas & illa de fœdere Diaboli cum sagis non erat ultima, ac Canonistæ potissimum eam doctrinam etiam urgebant, inde & hi, etsi alias in aliis doctrinis sèpè à Canonistis dissentiant, facile errorem communem contortis expositionibus juris civilis propagabant. Inde doctrinæ communes de criminis Magia, non ex Jure Justiniano

neo derivatae, sed à Glossatoribus ex prajudicio illo communi propagatae, quod Magia sit species criminis laesæ Majestatis diuinæ, quod sit crimen extraordinarium, atrox & occultum, in quo sufficient leviora indicia ad torquendum, e. g. nominatio facta à reo ejusdem criminis: Item, quod in hoc crimine & similibus graviora tormenta adhiberi possint: quod reus convictus etiam post mortem damnari possit: quod ex causa hujus criminis confiscationi locus sit, non obstante novissimâ constitutione Justiniani. *Conf. Anton. Marib. de crimin. lib. 48. tit. 3. c. 1. n. 2. & tit. 5. c. 7. n. 13.*

§. KLIV. Venio ad Germanos, de quibus alio tempore inquirendum, quid hi jam à Taciti temporibus de crimine Magia senserint. Jam sufficiat, ex hodiernâ crassissimâ superstitione apud multos populos Germanicæ, penes quos solum exercitum religionis Pontificiæ obtinet, imo ex superstitione apud ipsos Protestantes adhuc hodiè durante facile presumi posse, quam firmiter ante reformationem Clerus Pontificius toto populo fabulas suas de crimine Magia persuaserit. Unde nullum est dubium, quin apud Germanos etiam ante introductus Academias creditum fuerit, Magos habere pactum cum Diabolo, ita ut post institutionem Academiarum Glossatorum sententia illæ facile approbationem invenerint. Plura suppeditabit Malleus Maleficarum, cuius Part. I. præmissa est Bulla Pontificia de Magis ab Inquisitoribus hereticae pravitatis in Germania puniendis. Non tamen ista sententia aperte in legibus invenitur, sed magis ad opiniones cummunes & jus non scriptum videtur esse referenda. Ita enim legitur lib. 2. art. 13. Land-Recht: Welcher Christen-Mann oder Weib ungläubig ist / oder mit Sauberey umgehet / oder mit Vergiffung/ und der überwunden wird/die soll man auff einer Hörden breuenen. Hunc enim textum, et si commodè possit explicari, quod loquatur faltem de Magis nocentib⁹, tamen jam olim à Scabinis Lipsiensibus generaliter fuisse expolitum, sive nocitum sit, sive minus, docet Carpzovius qu. crim. 49. n. 8. Imo ipse auctor Constitutionis Criminalis Carolinæ, qui verosimiliter fuit Jctus vel

vel Italus, vel Germanus, tantum abest, ut disertè quid de Magiæ, quæ paëtum cum diabolo habeat, in Constitutione ista disposuerit, ut potius aperte sententiam Juris Justiniane modo memoratam cum distinctione inter Magiam nocentem & non nocentem repetierit, nisi quod huic ultimæ poenam arbitriariam dicaverit. So jemand denen Leuten, inquit art. 109. durch Sauberey oder Nachtheil zugesüget/soll man ihn straffen vom Leben zum Tode und man soll solche Straffe mit dem Feuer thun. Wo aber jemand Sauberey gebraucht/und damit niemand Schaden gehau, soll sonst gestraft werden nach Gelegenheit der Sache / der impien die Urtheiler Rechts gebrauchen sollen/wie von Rathsuchen hernach geschrieben steht. Etsi vero auctor hujus articuli secundum regulas bonæ interpretationis velit, Magum non nocentem aliis, debere miti us igne aut capitali poenâ puniri, & plane nihil de fœdere Diaboli memoret, & verosimiliter etiam hoc fœdus non crediderit, tamen interpretes uti adsveti sunt quidlibet ex quolibet interpretari, etiam alterum casum constitutionis criminalis de Magia non nocente exposuerunt, quod ibi solum debeat respici ad eam circumstantiam, quod nullum damnum datum sit, sed & ad alias, an nimurum paëtum cum Diabolo inierint Sagaz, & an simul Venere nefandâ cum Dæmonे usæ fuerint, atque his casibus etiam ignis supplicium esse dictandum, Carpz. d. l. n. 7.

§. XLV. Debet tamen quis putare, quod reformatio Lutheri, uti homines ab aliis prajudiciis Papismi liberavit, ita & ab istis fabulis Clericalibus de pacto Diaboli cum Magis liberare debuisset. Sed nihil minus. Quin potius sub Augusto Electore ista sententia, quæ haec tenus ut jus non scriptum obtinuerat, discite Constitutionibus Electoralibus P. 4. conf. 2. fuit inserta, verb. So jemand in Begeßung seines Christlichen Glaubens mit dem Teuffel Verbündisse auffrichtet/ umgehet/ oder zu schaffen hat/ das dieselbige Person/ob sie gleich mit Sauberey niemands Schaden zugesüget/ mit dem Feuer vom Leben zum Tode gerichtet und gestraft werden soll. Cum autem Elector Saxonie esset primarius Princeps religionis Lutheranus, non mirum, si postea & in alias ditiones Lutheranorum, imo & Reformatorum Principiū ista

ista communis persuasio propagata fuerit, vel, quod Lutherus ipse adhuc multa præjudicia de Diaboli potestate & viribus adhuc habuerit, uti ex variis scriptis ejus, & ex colloquiis mensalibus subinde apparet, vel quod Philippus Melanchthon post mortem Lutheri Philosophiam & Theologiam Scholasticam in Academiis Protestantibus firmiter iterum stabiliverit, cum à Lutheranis quantum ad Philosophiam attinet, pro communi præceptore Germaniaæ fuerit habitus Reformati autem insuper ei favent, quod in controversiis illorum Theologicis cum Lutheranis valde ad eorum partes inclinaverit; vel quod nonnulli Theologi Evangelici gustaverint illas utilitates, ob quas suprà diximus errorem istum se valde insinuasse Theologis Pontificis, vel denique, quod Jcti Lutherani adfuerint faciens, exscribere suos tractatus criminales absque judicio ex Doctribus Pontificiis.

§. XLVI. Habes jam rationes, cur Processus contra Sagas etiam post tempora reformationis non solum apud Principes Pontificios adhuc sit frequentissimus, sed & apud Principes Protestantates Europaæ, maximoperè autem apud Lutheranos sepiissimè miras & miserias tragedias excitaverit, præsertim cum illi, qui conscientiam Judicium eâ in re melius informare debuissent, partim ex ratione status, partim ex bona intentione & piâ simplicitate magistratus & Judices potius hic soliti fuerint instigare. Ipse Spizelius in *præfatione ad sepius citatum tractatum laudat*, & commendat judices Processum contra Sagas diligenter formantes de se ipso prædicans: *Dat solches heilsame Werk nach äussersten Vermögen zu befördern er seines allerwenigsten Orts von vielen Jahren her sich hoch verpflichtet geachtet.* Loquatur eâ de re Saxonie inferior, loquatur Svecia, quas turbas ibi dederit processus contra Sagas & in tempestivis Zelus DEI honorem prætexens. Nobis ipsis narratum fuit illo tempore à Viro fide digno per Germaniam peregrinante, qui & ipse Assessor fuerat Judicij à Rege Sveciæ contra Sagas constituti, quod ipse & alii assessores ab initio facile subodorati ferint, nullum fundamenntum adfuisse ad inquirendum contra personas denunciatas, cum nullum indicium adfuerit, quam depositio phantastica puerorum quorundam minoren-

nium & impuberum; sed viciisse tamen Theologos assessores prætexendo, Spiritum Sanctum honorem DEI contra regnum Diaboli vindicantem, non permitturum esse, ut pueri mentiantur, & sepius inculcando dictum Psalmi: *Aus dem Munde die jungen Kinder und Säuglinge hast du dir eine Macht zugebracht / daß du vertilgest den Feind und den Nachgierigen.* Tandem, postquam jam multæ personæ innocentes crematæ essent, & aliquis ex pueris virum honestum denunciasset, quod in convivio Satanicô simul adfuisset, aliquis ex assessorebus Laicis, cum præscitu tamen reliquorum, puerum denunciantem tentari curavit, promittendo dimidium thaleri, si se errasse confiteretur & alium loco denunciati denuntiaret, quo facile impetrato, & Theologis assessorebus jam palpantibus, quod Spiritus Sanctus non loqueretur per pueros, castigati quidem virgas à ministro judicij fuere denunciantes pueri, & processus sublatus, sed nimis tardè, cum jam multi innocentes essent cremati. Et omnino plenè pudendas fuisse fabulas, in quibus fundata fuit inquisitio Svecica, vel ex eo apparet, si quis absque præjudicio legat narrationem hujus inquisitionis, quam tractatui suo inseruit Spizelius *Part. I. cap. 17. p. 172. seq.* et si & auctor relationis eam scripsit ad persuadendam sententiam communem, & Spizelius eum in finem eandem tractatui suo inseruerit. Præprimis autem attentionem merentur ea, quæ Spizelius ex dicto auctore *p. 187. seq. refert*, ex quibus disertè apparet, innocentissimas personas à pueris istis fuisse denunciatas.

§. XLVII. In hoc Statu adhuc in Germania hodienum est processus contra Sagas, nisi quod postquam Philosophia Cartesiana, utpote quæ in doctrina de Spiritibus Platonicæ & Scholasticæ tota opposita est, in Belgio radices egit, & etiam Theologos reformatos quosdam in suas partes traxit, apud reformatos, præcipè non Voetianos in Belgio, & ex horum commercio cum Germanis etiam in Germania mitior & rationi magis conformis sententia obtinere, & inquisitionum magicarum exempla etiam in Germania cœperunt fieri rariora, ac sperandum erit, cum reliquis præjudiciis, quorum jam plurima Germani & Theologi & JCd rejecerunt, & hoc mox rejectum iri. Etsi enim nequaquam

adhæreamus Philosophiæ Cartesianæ nimis in doctrina de spiritibus in alterum extremum inclinanti, atque hæc inconvenientia pluribus jam appareat, sufficit tamen, quod ope Philosophiæ Cartesianæ grilli isti Scholastici, ad quos etiam vani conceptus de crimine Magiæ sunt referendi, ex multis Academiis sint extirpati, nec timendum sit, ut in terris Principum Protestantium rursum sint in solium evehendi.

§. XLVIII. Cum enim in hoc crimine nunquam ullum verum corpus delicti affuerit, quilibet videt, quod nec unquam ullum verosimile indicium adesse potuerit, quia non entis nulla sunt indicia. Fac vel mille Sagas illa omnia fuisse confessas, quæ apud Carpzovium in sententiis questioni 50. criminali recensentur, quilibet tamen facile palpat, quod oratione illa sint suppeditata a judicibus & crudelissimi tormentis extorta. Imo demus etiam mille Sagas sponte de se talia fuisse confessas, quamvis veterar, an ex tot myriadibus igne combustis, decem allegari possint, quæ id fecerint, quis judex tam absurdus esset, ut crederet mille foeminas unanimiter deponetibus, v. g. se in cœlo fuisse, & cum S. Petro saltasse, aut cum ejus cane venatorio concubuisse? Nam magis (non dicam ridicula, quia crudelitas processus contra Sagas quid tristius postulat,) stulta sunt ea, quæ leguntur in depositionibus Sagorum. Hinc facile responderi poterit communi effugio JCTorum nostrorum, in criminibus occultis & facti transiuntis, ut Adulterio, Stupro, Sodomia, Hæresi, Beneficio, Sortilegio &c. de corpore delicti aliter constare non posse, quam per conjecturas & indicia adeoq; in his præsumptionem & conjecturatum probacionem heberi pro plena. *Vid. Carpz. qv. 119. n. 61.* Nem in reliquis delictis omnibus faltem de aliquo corpore delicti aliquando constitit, de eorumq; existentia nulli homini sanæ mentis restare potest dubium. At cum nunquam extiterit corpus delicti in ullo casu Magiæ, parum apta est criminis hujus cum reliquis comparatio.

§. XLIX. Unde eam suâ sponte ruit, quæ Doctores de indiciis Magiæ tradere solent. Sunt vero illa duplicitis generis. Alia enim vel in lege publicâ Imperii & scilicet in Constitutione Carolinâ sunt fundata, alia iis a Doctoribus superaddita. Posteriora quod attinet, pudet ea referre, cum ea non aliis rationibus, quam aucto-

auctoritatibus Inquisitorum Pontificiorum nitantur, ac propter superiorius dicta, nullam mereantur fidem. Solent tamen JCTi Protestantes ea absque judicio commentariis suis cum approbatione inserere. Unus instar omnium sit Christophorus Crusius, qui in *Tractatu de indicis delictorum specialibus cap. 32.* tales rugas magno cumulo adscripsit, & defendere intendit. Neque è re erit, in his latius refutandis actum agere, cum nuperrimè in hac ipsa Academia fallacia ista Magiæ indicia peculiari dissertatione inaugurali fusius jam sint rejecta, & Auctor cautionis criminalis ista etiam solidissimè impugnaverit.

§. L. Illud tamen omittere nequeo, quod etiam pro peculiari indicio Magiæ venditetur, si reus nel rea signis eminentibus externæ pietatis sint conspicui. *Vid. Crusius d. l. n. 102. seq.* Dicit Apostolus, Pietatem ad omnia esse utilem. Nostri vero indicium gravissimi & horrendi delicti eam esse volunt. *Quis hominæ mentis vel in profundissimo somno tale argumentum sibi imaginari posset?* An, inquiunt, fucata est illa pietas non vera. Demus initio, id verum esse. Non tamen propterea erit indicium Magiæ. Est hypocrisia vitium, quo omnes homines, maximè autem, qui honestiori vita genere, vel a natura, vel affectu dediti sunt, tentantur. Ergo homines turpissimè viventes damnabunt homines honestati dantes operam, ut Magos, ob suspicionem fucata pietatis sive levem, sive etiam gravem? *Quis hæc concoqueret absque indignatione?* Sed nec verum est, insignem professionem pietatis externæ esse indicium hypocriseos. Ergo nec talis professio potest justum indicium Magiæ esse, sed alio indicio opus esset adfirmandum prius hoc pseundo indicium, & nullâ aliâ re suspecti be Magia tunc opus habent pro sua defensione, quam ut afferrent vulgatum versiculum:

*Omnia cum liceant, non licet esse piuum.*

Quin potius absurdissimum hoc indicium corroborat ea, quæ *præ §. 41.* observavimus, nempe Clerum Pontificium crimen Magiæ invenisse, ut sub hoc prætextu viros pios sibi inimicos possint sub specie justitiae & Zeli divini interimere. Legant omnes, qui specimen illustre malitia Clericalis in hoc genere cognoscere desiderant integrum tractum Gallicum, cui titulus: *Historie des Diabiles de London,* & conferant Beckeri mundum fascinatum lib. IV.

§. XL ac stupescunt. Hoc factō legant etiam attentē fabulam de horrenda Magiā Ludovici Godofredi, q. m. Franciscus Rossetus inseruit *Historicis tragicis sui temporis*, & inde ex Gallico in Germanicam idioma transtulit Martinus Zeilterus in traurigen *Mordgeschichten* & deprehendent, Spizelium sine ratione in sapè allegato tractatu sapientis hoc exemplum adduxisse, sed potius vel ex ipsa descriptione Rosseti multas circumstantias transparere indicantes, Ludovicum Godofredum fuisse virtutē optimum & valde pium, ac ex sola invidia à Clero per calumniam ac subornationem falsa accusatricis fuisse, ut magum condemnatum. Ulteriore demonstrationem reservamus curis secundis.

§. LI. Sed videamus jam indicia, quæ lege Carolinā continentur. Ita vero *Articulus 44. Constit. Criminalis*. Wenn jemand sich erbeut/ andern Menschen Zauberer zu lernen/ oder jemand zu bezaubern bedrohet/ und dem bedrauten dergleichen geschicht/ auch sonderliche Gemeinschafft mit Zauberern oder Zauberin hat/ oder mit solchen verdächtigen Dingen/ Gebürdēn/ Wörten und Wesen umbgehet/ die Zauberer auf sich tragen/ und dieselbige Person des selben auch berüchtiget/ das giebet eine redliche Anzeigung der Zauberer/ und gnugsame Ursache zu peinlicher Frage.

§. LII. Forent hæc indicia nonnullius momenti, si probatum fuisset, existere crimen Magiæ. Hoc vero nondum monstrato & illa sunt inania, nec verosimilitudinem aliquam inferunt. Demus *primo* esse aliquem probè convictum, quod se obtulerit, quod aliis magiam, (adde etiam Diabolicam) docere voluerit. Nullum inde oritur indicium, quod ipse pactum cum dæmone inierit. Diximus suprà, §. 36. multos homines tam stulos esse, ut federa cum diabolo querant, neque est dubium, multos homines tam profanos esse, ut talia desiderantibus illudant eosque pecuniā emungant, offerendo se, quod illud pactum tanquam mediatores promovere velint, & revera alios homines subornent, qui diaboli personam sustineant. Propterea tamen nec ipsi Magi sunt, nec Magiæ crimen existit. Non laudo eos, non excuso, non volo decipientes pariter ac deceptos à poena etiam graviore esse eximendos, sufficit, quod non puniendi sint ut magi, & quod hoc non sit genuinum magiæ indicium.

## §. LIII.

§. LIII. Secundum vero indicium non intelligo. Nam initio nemo facile tam stultus erit, ut alteri minetur, dæs er Zym wolle bezaubern. Quod si minetur, quod velit damno afficere vel intuitu vitæ aut sanitatis, vel intuitu bonorum, minæ hæc non inferunt damnum per magiam & foedus cum diabolo. Sed fac etiam, aliquem expresse minatum esse quod velit per magiam ipsi nocere, unde constabit de altero hujus indicii requisito, quod revera PER MAGIAM alteri nocitum sit, cum nulla detur Magia? Vel certum est & aperatum, quod is, qui ita minatus est, alteri per media evidenter naturalia aut moralia damnum dederit, tum non est Magus; vel suspicio saltem est, damnum subsecutum ab isto per media occulta esse perpetratum, tum non poterit pro mago haberi: partim, quia valde dubium est, an damnum subiecatum ab eo processerit, partim quia media occulta non statim sunt diabolica. Multa sunt in naturâ occulta per quæ alteri etiam damnum dari potest absque concursum diaboli propter magnetismum naturæ, cujus rationem dare possunt nec Aristotelici nec Cartesiani. Sed hoc est antiquum asylum ignorantia Academicæ: Quicunque effectus non possunt demonstrari ex libellis Physicæ Academicæ, & tamen non commodè possunt Deo adscribi, absribendi sunt Diabolo.

§. LIV. Tertium indicium, conversatio cum magis & sagis petit id, quod in questione est. Cum enim non sint magi & sagæ, nulla etiam est cum eis conversatio. Deinde etiamsi demus, dari sagas, tamen conversatio cum iis esset indicium maximè fallax, cum multæ possit esse cause alia, v. g. cognatio, vicinitas, educatio, interesse pecuniarum, paritas statutus & infinitæ alia, cur aliquis cum mago ejusmodi conversatus fuerit. An putabimus eos esse adulteros, falsarios, helluones, qui cum ejusmodi hominibus etiam familiariter conversantur. Notus quidem est versiculus: Noscitur ex socio qui non cognoscitur ex se. Sed notum etiam est, versiculos ejusmodi non esse sufficientes ad torturam; alias ex simili dictorio, quod solus cum solâ non præsumatur orare Pater noster, quilibet etiam torquendus esset, qui solus cum solâ deprehenderetur. Oriuntur ejusmodi

modi dictaria ex eo, quod s̄epius fieri solet, sed pr̄supponunt communiter multas circumstantias alias in ipsis dictariis non expressas. Fallit autem maximè istud axioma de socio, in delictis occultis. Quid enim, si nesciam cum reliquo populo, Titum esse de aliquo crimine suspectum, an conversatio cum Titio, cuius scelus postea detegitur, mihi fraudi foret? At Magia dicitur esse delictum occultum. Igitur si aliquis cum homine, postea magiæ accusato & secundum processum consuetum convicto, conversatus est eo tempore, quo habebatur pro viro honesto, qualis absurditas esset, si conversatio hæc alterum redderet suspectum. Nam articulus non potest loqui de eo, qui magiæ est accusatus. Aut enim is condemnatus est, aut absolutus, & posterius vel monstratam innocentiam, vel ob purgata aut alias non sufficiencia indicia. Si condemnatus est, casus vix erit dabilis, ut aliud cum tali conversari possit, cum nullum forte detur exemplum, quod magus condemnatus pœnae gratiam impetraverit. Si absolutus est, etiam si id propter insufficientia indicia factum est, quænam esset ratio hunc pro suspecto de magiâ haberi, qui conversatur cum eo, quem judex præmissâ cause cognitione pro mago non habet? Alia infinita ut jam taceam.

§. L.V. Nimis autem generale, confusum, & obscurum est indicium *quartum*: si quis utatur rebus, verbis, & gestibus, que suspecta sunt de magia, ut reverâ pudere debuisset autorem *Confit. Criminalis*, quod in re tanti momenti tam vagum indicium posuerit, & ita inquisitoribus fenestræ aperuerit, quidlibet etiam si res absurdissima, sub hoc indicio comprehendendi. Neque enim alias qui de indiciis delictorum commentati sunt, solent in enarrandis indiciis delictorum quæ generalibus, quæ specialibus à prescriptione Constitutionis Criminalis latius abire, & indicia multiplicare. At cum in magiâ id facere communiter soleant, verosimile est, interpres ad eum errorem seductos esse, quod putaverit quilibet se indiciis illis afferre casum, quartum hoc indicium declarantem, v. g. si quis deprehendat apud inquisitorum ollam repletam bufonibus, membra humana, librum magiæ, aut si proponatur effossum limen domus vel stabulum, inibiquæ defossum quid deprehendatur, quod homines inficerentur

rentur &c. *vid. Cruf. d. Cap. 32. n. 4.* Ubi semper supponitur & magiam dari, & tales res probare aliquem esse magum, quorum utrumque tamen falsum est.

§. L.VI. Quenam ergo cautiones Judicii in processu contrè sagas adhibendæ sunt, ne innocentes puniantur? Plures e- quidem recenset *Auctor Cautionis Criminalis* *dub. 16. & seq.* quia præse fert, ac si credat existentiam criminis magiæ sed quarum tam singulæ infinitis ab usibus subacent, alibi examinandæ. Nobis unica cautio est, quia crimen magiæ pro fabuâ habenus, ut Princeps non permittat inquiri de crimen Magiæ, i. e. de fidebre hominum cum diabolo, (nam de damno hominibus per magiam occultam vel naturalem vel artificialel dato nobis sermo non est,) & ut Judex inferior nunquam inquirat. Et quamvis probè nobis constet, magistratus intermedios esse executores protestatis summæ in Republ. nec posse eos vel leges vel mores receptos corrigere, simul tamen certi sumus, nunquam ad futura esse indicia sufficientia ad inquisitionem, adeoque Judicem inferiorem etiam legibus ipsis, & quæ ille de indiciis delictorum disponent, si concedat denunciatis defensionem pro avertenda inquisitione, se ac suum procedendi modum defendere posse.

## P R A E S E S

*ad*

## R E P O N D E N T E M S U I M.

**R** EDDO Tibi, Clarissime REICHI Dissertationem Tuam inauguralem de crimen Magiæ, quam meæ censuræ exhibuisti. Tractasti ibidem diversis quatuor capitibus 1. de existentia hujus criminis 2. daorigine erroris communis, 3. de indiciis Magiæ, 4. de cautionis circa processum sagarum. Legi & laudo diligentiam tuam, laudo, quod per tot devia unâ cum tot se ductoribus ambulans, tamen viam regiam veritatis inveneris, & cognoveris, crimen magiæ ad fabulas pertinere,

nere, quibus Clerus Pontificius decipere solet Laicos incautos. Neque miratus sum, quod in tantâ difficultate materiæ subinde in disputâ Tuâ remanserint dubia quædam, quæ ulteriorem disquisitionem videbantur postulare. Non mihi tamen fuit tempus, evolvendi autores, quos passim pro corroborandâ sententiâ tuâ adduxisti & omnia cum curâ debita ineditandi. Igitur cum Tibi jam proposueris, in secundis curis discursum Tuum emendatiorem unâ cum speciminibus quorundam processuum contrâ sagas edere, in chartam conjectibves has Theses, quæ in perfectione prolixoris disputationis Tuæ in mentem venerant, & ad quarum methodum vellem revisionem meditationum Tuarum in secundis curis institui. Abstinui datâ operâ à multis allegationibus, quia in cathedrâ non videndum est, quis dicat, sed quid dicatur, & quia defectus hic facile ex ipsis collectaneis Tuis suo tempore poterit suppleri.

Tu interim vale, ac res Tuas feliciter age.

Dabam d. 6. Novembr. 1701,

F I N I S.

